

中國方志叢書·華北地方·第二四九號

據

清·李體仁修王學禮纂
清·光緒三十一年刊本

影印

陝西

蒲城縣新志

(二)

成文出版社有限公司印行

中華民國五十九年 月壹一版

蒲城縣新志

全二冊

發行人：黃 成 助

出版者：成文出版社有限公司
台北郵政信箱二二六〇五號

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

蒲城縣新志卷十

知縣李體仁重修

邑人王學禮編纂

人物志上

錦里耆舊汝南先賢此方志紀人物之權輿也蒲自宋
元以前文獻殘缺大率無徵厥後人材輩出甲於左輔
晰其條目曰忠節曰賢能曰儒林曰文學曰軍功曰孝
友曰義行曰耆德曰方技迹其品類不齊未敢云追古
聖賢然分道揚鑣上之樹績朝廷次之流譽鄉黨下至
一材一能均有裨於世用博採而甄錄之允足增桑梓
光矣間有人非邑產素稱流寓者準諸往記亦在不遺
作人物志

忠節

晉吉挹晉書本傳字祖沖祖朗愍帝時爲御史中丞西朝不守朗歎曰吾何忍君臣相隨北面事賊乎乃自殺孝武初苻堅陷梁益桓豁表挹爲魏興太守尋加輕車將軍領晉昌太守以拒堅功拜員外散騎侍郎苻堅將韋鍾攻魏興挹拒之斬七百餘級加督五郡軍事鍾率衆欲趨襄陽挹邀擊斬五千餘級鍾回軍圍之挹屢挫其銳鍾衆繼至挹力不能抗城遂陷被執不食不言死追贈益州刺史

明王勵精表忠記由選貢授廣西通判歲饑毀所繫銀帶以賑墜崇慶知州值流賊陷成都士民驚竄其僕勸之去不可曰身受國恩焉可逃死賊勢逼具朝服北向拜闕西向拜辭其家從容書壁曰爲臣盡忠爲子盡孝而今而後庶幾無愧書畢登樓縛利刃於柱而露其鋒貯火藥樓下危坐以待及賊渡江身自

舉火火烈觸刃貫胸而死賊歎其忠歛葬之

此係崇正十七年事明史有傳

王道純明史本傳蒲城人字懷鞠天啟五年進士授中書舍人
崇正三年擢御史疏陳破資格之說言銓除舉劾考選甲乙科
太低昂宜變通則賢才日廣帝命所司卽行而甲科勢重卒不
能返流賊躡關中道純請急賑饑民毋使從賊報可已劾罷光
祿卿蘇晉參政張爾基四年劾吏部尙書王永光當去者三不
可留者四不納巡按山東其時李九成孔有德叛於吳橋南下
道純移書巡撫余大成令討捕大成不信再促之遂託疾請告
與登萊巡撫孫元化遣使招諭道純以爲非請勅二撫速勦及
賊陷登州元化被繫大成猶招撫道純憤抗疏力爭帝卽命道
純監軍及徐從治代大成謝連代元化並入萊州爲賊困在外
調度止道純一人賊遣人僞乞撫道純焚書斬使言賊日以撫

愚我一撫而六城陷再撫而登州亡三撫而黃縣失四撫而萊州被圍我軍屢挫安能復戰乞速發大軍拯此危土時周延儒熊明遇主撫議道純反被責讓明遇遣職方主事張國臣贊畫軍務國臣入賊中招撫賊佯許之攻圍如故及總督劉宇烈至進兵沙河道純與之俱宇烈中情怯頓兵不進日議撫尋棄軍奔道純復請速討不納迨巡撫謝連被執帝震怒逮宇烈召道純還京而明遇亦罷去宇烈下吏引道純分過道純疏駁其所奏十餘事命所司並按又劾明遇國臣交通誤國十罪語侵延儒疏未下延儒洩之國臣國臣亦劾道純十罪道純遂並劾延儒帝皆不問已而賊平道純竟坐監軍溺職斥爲民十五年以廷臣薦將起用未果及李自成陷蒲城道純抗節死福王時贈卹如制

按公一字湛白被執時脅降不屈索金不應縛以去渡河至
山右時公父尙在貸五百金令人尾之欲以贖公曰爲我謝
大人死義也毋賁盜糧自成重其節不忍加刃令與同縛者
坐壁下覆而殺之家人求尸弗得公舊以柏爲冠笄以是獲
焉

魏國柱字鳳庭萬厯壬子舉人幼卽孝親敬兄不事浮飾初令
臨淮清慎自矢愛民如子及陞睢州守志節允正直不阿歸田
後值賊亂被執追餉子允貺事父素孝與童僕羅安隨侍國柱
於李自成營朝夕不離同時被害人咸義之

秦一藩號翼明萬厯壬子舉人厯任甯鄉太平知縣政績丕著
擢河南府同知以讒歸崇正癸未佐縣令朱一統城守誓不降
賊亂既定縱酒高歌絕意仕進長吏罕覩其面數年後竟抗節

死甲申正月述懷有句云

綱常千古重節義一身輕痛甚衣冠

足驚有詩題甲子無心問癸庚誓同西山餓願蹈東海
蹤羝羊困蘇武啼鵲思杜陵幽居仰日月何日復重明

趙世英號季含崇正庚午舉人知慶都縣性端嚴沈靜謙抑下

人初與諸生和鼎同學後以師禮事之國變後改戴黃冠隱居

白水與一二知友爲徜徉遊當時權貴概謝絕往來後以不遵

制死其彭衙山居詩云

獨抗羈情一卷書江湖魏闕總愁予生
當列聖平成後忍見遺宮禾黍餘叩馬

誰能偕二士沈湘我欲弔三閭新亭風景山河異咄咄塵汙眼
倦舒白水知縣梁善長稱其忠君愛國之思溢於楮墨之外信
哉

和鼎字子新諸生爲人慷慨剛嚴尙氣節善談論工詩酷嗜李

長吉富平李因篤稱蒲城可傳之詩子新爲第一萊陽左蘿石

先生令韓時頻邀至其署與訂心知亂後逃奔華山後隱邑晉

王村感念故國輒歔歔淚下酒酣耳熱時爲詩多抗厲激烈之

音有集藏於家

秦中夔號虞天晚號古蟄崇正丙子舉人少有節概篤學不倦
與楊維斗陳百史諸名宿結社京邸以道義文章相砥礪逆闖
入關力拒僞命避入少華山亂定還鄉鍵戶著書數十年不入
城市邑令喬榛再三請見惟著葛巾野服與會明倫堂喬未幾
罷歸深以不能久親爲恨友人和鼎贈詩云嚴冬堅坐老知心
傲氣惟應待我尋
四海男兒今已見
孤峯雪裏漫沈吟又有曹養鯤號圖南由舉人知成安縣歷任
戶部郎中馬中驊故清豐令鼎革後俱隱居不仕

王文昌武舉崇正四年三月流賊逼境駐營白水馬家渡文昌
蒙委領壯丁救援賊擁眾過河壯丁奔散文昌猶力戰被執罵
不絕口死推官吏可法上其事俾建祠祀之以戰死壯士劉三
德等配享

單惟欽字肅之諸生癸未冬賊陷西安遣其黨四出校士不至者以軍法從事欽攜家北走烏延山中一日酒醉不勝悲憤投崖死

米貞頤廩生己丑城陷憤罵不屈死大吏旌之曰孤忠不朽

國朝張案順治辛卯舉人康熙十三年任綦江知縣吳逆竊據全蜀案矢志不屈以憤死

王大謨陝西督標中營千總雍正八年調巴里坤從征紅山硤遇賊戰沒有諭祭文存其家

賢能

梁吉士瞻少有大志不事生產年逾四十始事梁武帝以功厯巴東相建平太守後爲梁秦二州刺史加都督入爲太子右衛率又爲西陽武昌太守在郡清約家無私積

唐蔣常奉先人爲衛尉板橋店主張逖妻歸甯有王衛楊正等投店宿夜有以王衛刀殺逖者還刀入鞘內正等不之覺五鼓早發至明店人趨正等拔刀血甚狼藉收訊之誣服列狀上疑焉乃命常復推常至悉追店左右男女十五以上旣集爲人數不足且縱之止留一嫗晚放出令典獄卒密覘有人共語卽記之明日復爾如是者三皆此人也常乃追集三百人就中喚出與嫗語者其人惶恐具服乃與逖妻通者也

元竇本字可立至正四年冬以徵仕郎爲澄城縣尹接人以禮御下以寬潔己公勤處事精詳終雲陽同知

見澄城志

明王臣字尙忠天順甲申進士初官工部主事晉戶部員外郎出爲山東都轉運使陞山西左參政性純厚成化間關中大饑姻族多就其祿食以活其後子孫蔚起仕宦接踵爲關中名族

魏秉孝同人字執中成化丙戌進士歷官監察御史山東副使廉介絕俗尤有政績憲廟時常直南郊糾儀上言人君所畏惟天今當郊祀儼與神交宜肅恭收斂精以對越之誠不可令教坊諸俳在左右以二三其心時以爲名言

劉震字啟東辛卯舉人性剛特博學危行甲辰饑甘心窮餓不苟受餽遺任保定推官清介如始卓有能聲卒於官家人從治命義卻某太守賻金喪歸不能舉士論追號介庵先生祀鄉賢姜實宏治庚戌進士授曲沃知縣以廉能擢御史巡鹽河東值歲饑賑活萬計巡長蘆兼理河道凡權貴夾帶商貨及站鹽紅船一切革之鹽法流行陞湖廣僉事期年黜不職官十八人墨吏望風解綬生平寡言笑剛正不撓事親尤以孝稱

忽鳴字若鳳嘉靖丙子舉人初知大城縣有杠船羨餘歲計千

金例入私橐鳴請而裁之時縣境多宦官占供丁以爲民害鳴查品級核實數丁之歸公者歲多數千後擢南京戶曹督兩浙稅鳴刻躬飭法寬稅則懲耗蠹人不敢干以私後補北戶部遷員外郎進郎中補貴州鎮遠知府因俗立政民夷帖然未浹歲以母老告歸內行素篤與其弟友愛極睦終身不言析產

陳守正字秉直業儒不成習刑名後官通州衛經歷督張家灣城有功擢四川漢州州判歷署仁壽綿竹知縣廉靜有威蜀民畏而愛之以執法不合時免官歸家居樂與士大夫遊人以其有高致也皆親就之及卒鄒應龍表其墓曾孫疏宸字觀天諸生敦行業樂施與巡按御史嘗旌其閭曰德行云

屈灼字青門心實行方不苟言笑爲諸生時併日而食一介必嚴萬厯甲戌成進士授陽曲令勞心撫字不手一錢尋擢太僕

寺丞歷戶部郎中至左通政抑強宗禁猾胥雖權相子無少寬假以是人皆憚之值火災上疏謂天變由好貨所致觸上怒左遷睢陳兵備副使不赴家居煮粥賑饑全活二萬餘人性篤孝雖年踰耳順事母依然孺慕祀鄉賢

王元命字后軒庚辰進士初入庠謁廟轟雷突起識者異之居恒讀書雖親友罕覩其面初登第慮父老急歸省浹歲父沒服除授工部主事監修慈甯宮與巡視給諫語不合拂衣歸後起本官督南旺漕運值歲饑弛禁源泉開魚蝦利濟河滸之民多賴全活累官郎中擢山西雁平道兵備副使復以孤介忤時歸楊應宿號中台年十八舉於鄉由癸未進士除戶部主事歷郎中奉使南京監兌以武弁暴橫疏劾指揮使落職由是兌軍斂迹不敢魚肉小民後督通州糧儲剔除夙弊出納維允及管太

倉庫吏以金進曰此舊例也應宿怒曰庫內皆朝廷物我爲朝廷官乃爲盜乎重責之三年上羨餘銀十萬神宗嘉獎者再擢雲南按察副使先是吏部侍郎趙用賢以女許字御史吳之彥子旣而毀之應宿上言毀親非大臣體又有口代天言四疏尋坐與中書高攀龍相詬詈降湖廣經歷遂拂衣歸其後子孫蕃衍科第蟬聯爲一邑望族

按應宿論絕婚事見明史趙用賢傳

李應策字成可進士厯安陽令舉卓異徵授刑科給事中時倭據朝鮮頻年勦撫無功特疏劾石星沈惟敬等卒寘大辟時論黷之典試四川得士稱盛陞太常少卿左通政歸居家孤高絕物踽踽涼涼年八十卒

樊東謨字西樞號昌南丙戌進士除戶部主事厯郎中出守順德府潔己愛民興利除弊郡人爲建生祠厯山西巡撫蒞任半

清坊縣志卷之十
歲卽歸座有四銘曰志不可滿傲不可長欲不可縱樂不可極
以自警云卒年七十有八

常澄號湛字父廷圭舉人初官青州同知以衡府承奉驕橫捕
治不少貸遷南京前軍督都府經歷致仕歸歷官二十餘載家
無長物澄幼承家學舉止莊嚴由進士宰臨漳東明二邑惠愷
有聲擢吏部主事歷驗封郎中絕餽遺杜請託人無敢干以私
祀鄉賢

張大行號鐘溪富平楊忠介公之外孫也由萬歷丁酉舉人任
甯鄉知縣旋擢霸州知州剛方正直不畏疆禦民間一切利病
盡力興除常恐弗遑居官二十餘載宦囊蕭索不名一錢後其
事上聞祀鄉賢

魏國卿字鳳臺丙午舉人性端行潔尤敦孝友遭父母喪哭幾

失明三年中未嘗見齒爲館陶令寬以養民廉以律已館人德之以忤當事罷歸辛巳大荒憫里族饑解衣推食至鬻產以濟之全活甚多以此勞瘁致疾卒

屈鍾嶽字毓秀王子舉人爲太原令清慎敏捷循聲藉藉尋轉光祿署正遷刑部郎中出爲大同知府未幾卒嶽有豁達之度不事纖趨居官正直不阿終始如一旅櫬歸里行李蕭然

張士奇字秦麓寄籍宜君由恩貢授永清令潔已愛民陞任通州值潞藩之國遠近守牧餽贈過多士奇以禮自守一切誅求力拒弗應並檄罷運木車歲省民費三萬金治運河廣衍民田仰荷璽書金爵之賜擢開封郡丞修河南北隄民免水患後祀通州名宦子應辰字聚垣少孤事母以孝母或不懌則長跪受杖天啟丁卯舉於鄉授肅甯令時魏璫敗株連頗眾應辰多所